

La fin dall'jamna vargada han ils campiadis svizzers da tir da 10 meters dils cantuns e dallas gruppas dallas societads da tir giu liug a Berna.

Ella concorrenza dall'elita dils cantuns ha il Grischun contonschiu il bien quart rang cun Annina Tomaschett, Lars Färber, Elena Tomaschett, Valentina Caluori, Selina Lötscher e Chris Wolf . Campiun svizzer ei la gruppa dalla Svizra Orientala d'aventada. 17 gruppas ein semesiradas tier l'elita. Annina Tomaschett ha sittau il quart meglier resultat. El campiadis dallas junioras e dils juniors dils cantuns ha la gruppa dil Grischun acquistau il tetel da campiadis svizzer cun rodund treis puncts avantatg sin Soloturn. Pil Grischun han Martina Herrli, Alicia Beer, Chiara Weishaupt, Anja Cadalbert e Lea Schmid sittau. Dallas tiraduras e dils tiradurs sut 17 onns ei Alicia Beer stada la secunda megliera da quei campiadis. Al campiadis dallas gruppas dallas uniuns da tir ei la gruppa da Voluntaria Trun d'aventada novavla cun Annina Tomaschett, Elena Tomaschett, Chris Wolf e Leandro Petschen . 60 gruppas ein semesiradas. Ella concorrenza dallas junioras e dils juniors ha Voluntaria Trun contonschiu il fetg bien quart plaz e munchentau mo per pauc il podest. Per Voluntaria Trun han Alicia Beer, Anja Cadalbert e Liana Beer sittau. (fmr/hh)